

山川

青海省地方史志  
資料摘鈔集

38年六月三日  
起校對

照抄西寧府新志 卷之四 地理志

31  
山川

西寧府

西寧縣

崑崙山 在縣治西北故臨羌縣境漢書地理志注云崑崙  
在臨羌西北有王母祠石室仙海鹽池西有弱水崑崙  
山祠唐長慶中劉元鼎使吐蕃云三山中高四下  
曰紫山古所謂崑崙夷曰悶摩黎山元潘昂霄黃  
河志云吐蕃朵甘思東北鄙有大雪山即崑崙自  
山腹至頂皆雪炎夏不消遠年成冰洪武間西平

侯沐英征西將軍鄧愈追羌俱至此山非古所謂崑崙也自酒泉太守馬岌傳會立西王母祠故得是名見崑崙崙積石二山辨

土樓山 在縣治北酈道元水經注云上有土樓北倚山原峯高三百尺又若削成樓下有神祠彫牆故壁存焉闕駟十三州志曰西平亭北有土樓神祠今在亭東北五里湟水逕其南元和郡志云在縣西北三十里按元和志所指之湟水縣乃碾伯縣也此山為郡城後屏

雪山 西去縣治百餘里上有積雪四候不消望之若銀

屏西寧四面皆山常有雪積西去則山更連遠耳

金山 西去縣治七十里上有湫池雨多則內有積水能出雲雨居民遇旱禱之隋煬帝征吐谷渾晏羣臣其上後圍吐谷渾於覆袁川命元壽南屯金山是也居民以上有飛蛾謂之金蛾山因山麓立有聖母祠俗又謂之金娥云

熱水山 西南去縣治五百里舊志載山南出熱水流入青海山北出冷水即西寧河源古所謂湟水也按湟水發源不一詳下水

志

拔延山 在縣治西故化隆縣境隋煬帝征吐谷渾大獵

此山長圍周亘二千里隋地理志云湟水即其地按化隆縣因化隆谷而名屬舊廓州有扶延山元和志載先天年改爲化城縣者是也似在今碾伯南界姑依舊志存以備考

連雲山 在縣治西吐谷渾界隋開皇間山鄉稱萬年者二詔頒郡國仍遣使醮於山所其日景雲浮於上

雉兔馴壇側

大非山 近青海吐谷渾嘗踰山入寇

旱坪山 在縣治北十里土司李氏祖塋在焉

都曼山 在縣治西薩孤吳仁以輕騎破吐谷渾處

庫山

在縣治西任城王道宗破吐谷渾伏允於此

驪山

在縣治西按山海經云驪山去太華二千八百五

十七里是鎔于西海淒水出焉西流注於海則是山在西海之東而為西寧境內之山也

戎峽山

在縣治西湟水所經也水經注湟水經戎峽口

白象山

西去縣治三十里以形似名

鳳凰山

去縣治西南里許上有寺閣可以眺遠西有巖洞

下臨大川又名南禪山

唐述山

南去縣治二百八十里酈道元云山甚靈秀山

峯之上立石數百丈亭亭桀豎競勢爭高遠望

岑岑若攢圖之託霄上其下層巖峭舉壁岸  
無階懸巖之中多石室焉室中若有積卷名積  
書巖世士鮮有津逮者每見神人往還彼羗曰  
鬼為唐述因名其山指其堂密之居謂之唐述  
窟其懷道宗元之士皮冠淨髮之徒亦往棲托  
焉按此山亦載河州志今仍舊以俟博雅君子  
石城山 西南去縣治二百八十里即石堡城崖壁峭立三  
面險絕惟一徑可上隋史萬歲石城山詩曰石城門峻  
誰開闢更鼓誤聞風落石是也

麻宗山 在縣治東南

松山 在縣治西北水經注曰湟水又東長寧川水注之

水出松山東南流

車我真山 在覆袁山西煬帝征吐谷渾伏允遁去遣  
其名王詐稱伏允保此山

北禪山 在縣治北五里有崖立如浮圖狀即土樓山  
北禪寺即古神祠今人但知此名而不知土樓故存以  
備考

駱駝山 在縣治東北三十五里明天順中宣城伯衛穎擊  
叛番巴沙部進次此山

元朔山 北去縣治七十里石峯林立下遶河流北有巨

石高二丈餘甚奇偉監司龍膺題曰海藏又北有洞  
昔為虎窟有遊僧來居之虎乃徙去俞安期題  
曰慈藏太元宮據其上夏間野芍藥花甚多六月  
六日士民傾城往遊俗謂之北武當云

翠

山

在縣西八十里西石峽外隍中諸山類皆童阜此

山連延至日月山蒼翠可愛秋時上有紅葉與驄山  
相距不遠余名之曰翠山按山經有翠山西距驄  
山二百五十里其陽多黃玉其陰多旄牛麋麝此  
山誠多旄牛麋麝黃玉則未之見也

紅崖山

東北去縣治八十里其土赤因名山腰有石洞

中有佛閣志稱紅崖峙其左是也

硤口山 在縣東二十里石山對峙河水中穿為湟鄯往

來咽喉漢時名湟陁趙充國屯田金城秦治湟陁以

西道橋水經注湟水逕東亭北出漆峽即此唐人

常修閣道宋築省章城控制要害又名綏遠關

西元山 在縣西南八十里康纏溝腦巨石崇竦黛色

侵雲即道藏之第四太元極真洞天是也俗呼為佛山

養女山 在縣東北水經注養女川水出養女北山關駟

曰長亭亭北有養女嶺即浩盪之西山西平之北山也

靈華山 在縣南二十里嘉靖年間邑民建集福觀

五峯山 在縣北八十里五峯林立形如舉掌山脇左右有大泉二餘泉不計焉林壑之美最為湟中勝地而舊志不載居人不遊何哉山素無名余以數名上有古寺已頽廢亦無名余以山名爰廓而新之又於西泉厓側建書屋三楹顏曰寒泉精舍以為棲托之所詳後五峯山寺記

清江山 在米德固故砦北二十五里

臘雞山 在縣南一百里往時赴貴德所者由窮家番族繞道數十里今文武官捐俸開修此山路直而捷為南北要道

日月山 在縣西一百七十里東北五里即新設河拉庫托

營西寧縣與青海以北山分界

隆藏林山 在縣東南一百四十里產松木

順善林山 在縣東南一百七十里產松樺木

以上二山在新設巴燕式撫番廳所轄界內

文筆峯 在縣城南里許

勒姐嶺 在縣西漢時有勒姐羌居之晉義熙十一年北涼

主蒙遜敗西秦兵於浩亶西秦主熾磐遣將折斐等據

勒姐嶺邀其還路蒙遜擊擒之水經注勒姐嶺逕安

夷縣東而北入湟水後漢書耿恭傳亦作勒姐嶺音紫

承風嶺 在縣治西塞外唐李元敬與吐蕃戰青海

敗績還走屯此黑齒常之率死士龍衣擊吐蕃處

赤 嶺

在縣治西臨吐蕃界開元中分立界牌

天非嶺

在縣治西南薛仁貴征吐谷渾置柵於此嶺

扁道嶺

在牛心川

赤沙嶺

在宋安隴故砦東三十里

鞏藏嶺

在安隴砦南三十五里

半 嶺

在縣西

九苞嶺

在縣東南二里許

渴驢嶺

在德固寨南十里

秣牟嶺

在宋臨宗故砦北七十里縣東北也

三諾鞏哥嶺 在臨宗砦東五十里

南宗嶺 在縣治東北宋宣威故城北九十里

星嶺 在長寧谷隋煬帝征吐谷渾過此

龍門嶺 在縣東北八十五里五峯山東通燕麥川側有泉

水流出今名龍門口北川營置兵守焉

仇羶嶺 宋屬西寧州政和中置制羌砦

黃坂 在長寧州晉西平太守曹祛遣麴晃拒張竇處

五里坂 宋都護張嚴與金人戰死處

青唐峴 苗履與金人戰死處

牛心堆 在縣治西南李靖征吐谷渾敗其兵於此

風 巖 在小峽口山山半有巖下臨湟水每起大風居民禱之

觀音洞 在元朔山陰深二丈高八尺濶二丈餘面臨東峽水相

對有慈藏洞又山陽有朝陽洞深八尺高丈許濶九尺

北 洞 在五峯山陽深三丈高一丈濶丈餘東西各有洞東洞

深二丈五尺高九尺濶一丈二尺西洞深二丈高七尺濶丈餘前有

平厓大樹覆焉

荔 谷 在故臨羌縣西

木乘谷 在故臨羌縣西

雁 谷 在故臨羌縣西漢護羌校尉鄧訓掩擊羌迷唐處

龍泉谷 在縣西八里有龍泉疑即西川稱龍泉谷也唐劉

元鼎使吐蕃踰湟水至龍泉谷謂哥舒翰故壁多在湟水

蒙谷

劉元鼎使吐蕃出蒙谷抵龍泉則蒙谷在龍泉東也  
在宋來賓故城東三十里

青丹谷

在縣治西南段頰率義從戎破羌處

歷谷

在邯川城北

大允谷

在黃河北燒當居處曹鳳言西戎數犯法常從燒

當種起

保敦谷

在縣治南一百八十里宋王瞻遣李實踰南山入保敦谷

討蕩叛羌崇寧三年築綏平堡於此

大小榆谷

在縣西南二百里地肥饒漢西羌居此緣山濱水以

廣田畜隋唐以後屢為吐蕃所據天寶十二載隴右節

度哥舒翰擊取之

北谷

在縣治西北水經云河水東經石城南左合北谷水

長寧谷

在縣治西北今謂之北川有長寧堡隋煬帝征吐

谷潭入此

平

谷

在縣北八十里五峯山下兩谿交流草木暢茂

蔥

谷

在縣治東水有回源各出一谿亂流注於湟水見水經注

漆

谷

在小峽口之右水經注云湟水東流右則漆谷常

谿注之左則甘夷川水入焉

宗

谷

在大峽口西三十里今在縣界宋王厚征谿賒羅

撒右軍出宗谷口即此

金谷 在故寧西城北四十里

貴德峽 縣南八十里兩山相對水出其間赴貴德所之孔道也

琵琶峽 在覆袁川東隋太僕卿楊義臣屯兵於此圍吐谷渾

西石峽 在縣治西七十里兩山陵削相對河流其中為西路要隘

東西邯 南臨黃河漢馬武破羌於此即邯川之東西侯霸

請置東西邯屯田五部列屯夾河是也

茗藿 地名在縣治西北晉義熙中南涼以北涼兵至此

大掠五千餘戶而還

西海 在縣西二百七十餘里周圍海面有七百餘里東西

長亘而南北狹焉今按水經注云西平二百五十里者新舊

郡地有遠近耳又謂之青海夏秋遠觀碧波拍岸勢欲傾  
瀉南岸一堤濶僅百步北亘數十里直奔海腹而沒名爲  
海帶陟此隱隱見人物樓閣之狀十三州志云青海在臨羌縣  
西關駟所謂卑禾羌海有魚無鱗背負黑點亦多鳥獸  
中央有山突起形如螺殼稍西又出一山若駝峯無舟楫  
可渡望之如積雪余有詩云一片綠波浮白雪無人知是  
海心山至冬水合似萬頃琉璃好事者往遊焉漢平帝  
時王莽諷卑禾羌獻西海地置郡莽敗郡廢按集覽云  
遊牝馬於上得龍種日行千里稱青海驄隋煬帝置馬  
牧於此求龍種吁愚矣余任西平十數載閱青海馬多矣

日行數百里者亦未見況十里乎

核對

苦拔海

在尉遲川西

景沈海

縣西周一里極深

黃

河

南去縣治二百二十里按水經河徑西海郡南又東北流

入西平郡界徑黃河城南酈道注云西北去西平二百一十七里又東界白土城南又東與湟水合按白土城今在碾伯縣南境有白土嶺故昔年以此名縣

湟

水

其源出西塞外流入縣治古湟中之名錄是水也漢志臨

羌縣西北塞外有海鹽池北則湟水所出東至允吾入河元和

志湟水一名樂都水出青海東北亂山中按樂都即今碾伯

故行都司志以湟水為碾伯河非是蓋湟水自西塞入境又

加西碾二邑諸水匯入皆謂之湟水非獨碾伯河也一統志  
云城北北山之陰有蘇木蓮河疑即湟水尤非按蘇木蓮河  
今北川河也亦入湟水非即湟水也余覈各水志惟水經注  
考訂最確此古人精細勝今人處水經注云湟水流徑龍夷  
城故西零地十三州志曰城在臨羌縣新西注又云東入經戎  
峽口又徑西平城北是湟水自塞外而至徑西平城北咸無  
南注之水安得以北川河為湟水余按今名以合前水蓋  
湟水發源不一西北撥洛充克之烏蘭哈達暨莫揮兔泉  
水會流約百餘里至丹噶爾東南河拉庫托爾及圖爾  
根泉泉會流約七十餘里亦至丹噶爾統匯成河由西石

峽進口名為西川河北湟水也。又正北撥料峽山泉及黑林口泉水分流約百里至白塔爾峽門堡會為一水約四十里至北川閣門。又阿爾探打坂泉流由東峽約八十餘里亦至北川閣門。三水總匯從水洞而入名為北川河北蘇木蓮河也。三川之水統於臨城之劉家河灣匯成一河由城北東流。又正南之馬雞溝山泉約三十餘里至申中閣門由南川直入湟水。此南川河也。經小石峽大石峽徑碾伯縣東南行一百里至李土司享堂與大通河會。又行一百一十里至臯蘭縣張家河灣入黃河大通河即古浩盪水也。

羌

水

出縣治西南徑臨羌故縣東北流入湟水

盧谿水

出縣治西南盧川東北流注湟水

臨羌谿水

發故臨羌新縣西北經其縣北東南入湟水

常谿水

在縣治東水注湟

宜春水

在縣東北水經注云水出宜春谿西南流至安夷

南入湟河

勒且水

其源出平戎東南勒且谿昔勒且羌種所居也

北流至安夷城東而北入湟水按水經注云湟水有勒且之

名即此號也關駟云金城河與勒且河合是也

安夷川水

在縣東水經注水發遠山西北東入於湟

唐述水

經唐述山南注湟河

宗水 在縣治東

牛心川 在縣治南舊志指為那孩川按那孩川在縣治南  
五十里控爾朶峽西水流注牛心川其實一川也今謂之南  
川按酈道元水經注云牛心川水出其南遠山中東北流  
經牛心堆東又北經西平亭西東北入湟水又經西平城北  
則南川為牛心川無疑矣

長寧川 在縣治北一統志謂伯顏川非是按伯顏渠所溉

皆西川之田則伯顏川非北川可知舊志謂車卜魯川一名  
幹爾朶川今呼為北川晉置長寧縣於此今有長寧堡酈  
道元水經注云水出松山合養女川南入湟水即隋煬帝所

入長寧谷也。隋煬帝紀云：四月帝巡河右，至西平。五月庚辰，帝入長寧谷。

甘夷川 在縣治東北。古川名，見水經。注後謂之沙棠川。永樂中置牧馬苑，更名廣牧川。今仍呼為沙棠川。

安夷川 在縣治東。今謂之東川。按水經注：湟水經安夷縣，故城北城有東西門，去西平亭七十里。今平戎驛也。

伯顏川 在縣治西。今謂之西川。

右西寧之五川也。河西以兩山相夾，平地為川。寧邑水田多在五路餘，皆旱坪耳。故每歲望雨甚殷。

養女川 在縣治北。水經養女山，注長寧川。

景羊川 西北去縣治五十里水東注長寧川

晉昌川 在縣治西北水經注長寧川水流徑晉昌川晉昌

水注之

伏溜川 在臨羌縣東北流注湟水關駟曰臨羌新縣在郡

西百八十里

石杜川 在伏溜川東東北流注湟水

蠡川 在石杜川東東北流注湟水

龍駒川 水出縣治西南山下北流注湟水

大非川 在王孝傑來柵西臨吐谷渾界

良非川 在西塞外黑齒常之敗吐蕃於此

尉遲川 在石堡城故振武軍西

燕麥川

在縣西北一十里與大通衛燕麥川相通僅隔一邊牆

耳昔止產燕麥飼馬故名今生齒日繁漸犁鋤矣

盧

川 在縣西水經注盧谿水出西南盧川東北注於湟水

拉衆川

合安夷川東入湟水

宗哥川

在古宗哥城北即湟水也至宗哥城遂名宗哥川

隨地異名耳

伏羅川

未詳所在吐谷潭伏羅來居之

工凹灘川

在縣東南一百七十五里

囊思多川

在縣東南一百六十五里

科萊工凹川 在縣東南二百二十里

右三川今隸新設巴燕戎撫番廳經余親勘詳請准漢  
番各民開墾為業

南川河 在縣治南北入湟又謂之麒麟河按晉書南涼王

禿髮烏孤時麒麟遊於綏戎故名宋史地理志云綏戎  
城在西平郡鄯城縣西一百里舊志謂非今南川並存以備考

北川河 在縣治北南入湟水即蘇木蓮河又謂之長寧川

水按水經注水出松山東南晉昌川水注之又東南養

女川水注之東南入湟

沙崇川河 在縣東北源從威遠堡西北燕麥川流出一從威

遠堡東之東溝流出至威遠堡南五里之董家寨會合  
至沙棠川口韻家莊入湟水韻家口與羅家灣相對

西川河

在縣西已詳湟水條內

乳駱河

在臨宗峯東

溜谿

在縣治西臨羌新縣故城西南又東北流入湟水

長谿

在漆峽之右按水經注止有常谿無長谿舊志

載此姑存以備考

龍池

在縣治西三里激湍不減左有龍王廟遇旱禱

之按舊龍池在池西十二里廣袤百餘丈亦名杏園池明

木泉竭

青鹽池

在縣治西五百餘里青海西南今鄰蒙古郡王額

爾得尼額爾克托克托索貝勒達什策今地界周圍有二

百數十里鹽係天成取之無盡蒙古用鐵勺撈取販至市口  
貿易郡民賴之

南湫池

在縣治東南五十里南川起塔坪落馬莊池周二丈深

三丈渟洄蕩漾淵然而留每歲四月初八日左右八堡居民祭之

黑龍池

縣北三十五里在上孫堡西孫家溝深九尺寬四丈八尺

居民遇旱禱之

拂鵝泉

一名鵬鵝泉在縣西南古石堡城吐蕃以五萬騎入

振武拂鵝泉鈔回鵝還國者是也

# 五泉

在縣北水經注云發西平亭北鴈次相綴東北流至土樓南北入湟水按舊志未詳余問諸士民皆不知其處因親勘焉郡城北門外里許有魚翅灘泉五孔第一泉水深一尺二寸寬五尺第二泉水深九寸寬四尺去第一泉十步第三泉水深三寸寬一尺七寸去第二泉十五步第四泉水深四寸寬二尺去第三泉二十步第五泉水深二寸寬四尺去第四泉三步五泉水俱東北亂流至土樓南合為一水北注於湟不特方向與水經注符即魚翅與鴈次形亦相似正在土樓之南湟水之北其為水經注所載之五泉無疑矣

# 龍泉

一名湫池在縣西八里蘇家河灣莊西南有山如覆釜

高十餘丈，泉自頂出，其眼徑尺而深不可測，水泛出漚起如杯，盂上有龍王藥王廟宇，邑民遇旱輒禱之。

### 龍門泉

在縣東北八十五里龍門口，徑二尺，水涌雷奔，西南流。

右合五峯山諸泉水出臨水堡，溉上鮑堡民田，餘水注於長寧川。

### 金泉

在縣東五里曹家寨北，與二泉合，東北流，溉田，水清澈。

圍一丈八尺。

### 二泉

在金泉左十數武，圍一丈五尺，俗又總謂之金家泉。

### 香水泉

在縣治北門外二十餘步，水從石下流出，經僉事楊應。

琚縣令陳鉅濬池構亭，名香水園。

### 北門泉

在縣治北門外城下水清味甘，體重諸泉，居民多汲飲。

小泉

在縣治東北出東郭門八十步水少渾

崖泉

在縣治東北一里有石崖高一丈泉全然自腰而出

謂之周家泉

北泉

在縣治北一里郭家莊水紺潔

雙溫泉

縣西二百四十餘里今在青海地界名哈爾吉泉有二

從地湧出幾石為池可沐浴

湯泉

在縣西南七百里今為青海地界名登努爾泰溫賦

如雲漿

澄華泉

縣北八十里在五峯山半清池毛髮可鑑細泉上出如

噴珠涼州道署有澄華井乃漢張芝所題此泉色味與井

無二余故以澄華名

隱泉 縣北八十里在五峯山半澄華泉在西此泉在東二分  
流至山麓合而南注上絕壁引以溉田每歲六月六日各堡居  
民以香花祭澄華泉無一人至此泉者蓋此泉隱於山隅  
蔽以蓬蒿雖利澤及人而人不知焉余獨至泉側徘徊久  
之故名以隱

聖水泉

在縣東南六十里吉彥才溝又名藥水出高阜

上大小泉三分俱北流中又有泉四水西流南有泉四水

西南隅流諸泉之水居民飲之云能醫雜證其水不流  
入大河有流四五步或七八步即結羊腦石其石無味

為木服之亦可治積聚故諺謂之冰淋山

裂石泉

縣北八十里在五峯山寺門外十數武自山崖

流出石破一線涓涓不竭汨汨有聲余名為裂石以見

工夫積久可以至柔而克至剛也

清泉

在縣東五里池圍七尺味甘腴俗名陳家泉去金

泉二十步

水泉

在縣南十八里泉甚夥味甘民多汲飲堡名以此

石版泉

在縣南二十里寧遠堡北三里泉多水甘居民汲飲

大泉

在縣南二十里謝家寨東草灘周丈餘深不可測

中有無鱗魚居民遇旱禱之

鳴玉泉

在縣南三十里伏羌堡西南十里東溝灘從地湧

出又下多亂泉民間引以溉田

卷四終

校對訖

馬沁雪山乃崑崙山之正峯在西藏高原中除希馬拉耶外乃羣山之最高者海拔高氣候寒終年積雪因此所產的動植物有與北極圈內類似者動物方面如白熊羚羊等植物方面如岩梅我們採集中有三屬七十二種為此區所特有西藏高原中有山皆在五千公尺以上山脈方面皆由西北去而東南如巴顏哈喇黃河與長江之分水嶺)歐兒塔書那峨由爾吉山(高六五〇〇公尺)亞罕馬利山(高五五〇〇公尺)賽爾僅山(高五一六八公尺)馬沁雪山(高七二〇〇公尺)山與

山之間百分之九十九是草地平原平原上有彎彎曲曲的寬展的土溝土溝中間是細流水沙拉庫圖沙朱義大河壩都是這區域的代表平原低窪之地尚可種種大麥蕎麥白蘿蔔之類在細流之濱有時可以見到一叢叢的耐寒灌木這平原在植物地理學上所佔的地位即阿爾品草地

因之龍胆科的植物特別多花色鮮艷異常美

麗草原中無一定道路旅行者須記准山頭作為指針內地湖泊頗多湖泊附近生水草札陵諾爾與鄂陵諾爾二湖的水面高四千二百七十公尺為黃河上游山地

最低之地由札陵湖向西北行約一天半的路程在布山布達山之南即星宿海為黃河發源地水面高四四五公尺長江上游叫通天阿當地西藏人呼世爾無粗這些地方根本看不見高山平地上都是很勻整的高約一尺的小土堆堆上生草草上出水一腳踏進難以拔出據云這是長江發源地

這地帶的氣候變化也很大旅行西藏區者都知道一個歌正二三雪封山四五六雪淋頭七八九正好走十一臘內開花這二十四個字足可代表該區氣候我在青海時每天三次記錄溫度晝夜之差頗大

例如七月中旬白天可達攝氏三十五度夜間可降至  
零點我在七八九三個月中三次遇雨七次遇雹雨  
一次遇大霧又有一付對聯清泉細草乾牛糞快槍  
健馬老羊裘因那地方草原千里一望無際探險  
者必須以健馬代步身上跨槍餓了即可打野馬  
野馬羚羊麋鹿充飢沒有樹林缺乏木柴（有人  
在紙上曾寫過有森林）以乾牛糞代之騎馬不  
帶飼料遇有清泉細草之地即可放開馬韁由牠  
吃飽老羊裘板子厚毛長很重但溫暖禦寒當地  
西藏人很景仰馬沁雪山因為他們傳說宗喀巴發祥

地塔爾寺屋瓦黃金系由馬沁雪山採來

摘抄西甯府續志 上冊 卷一

地理志 山川

西甯縣 貴德廳 (均詳前志)

碾伯縣

石佛山 在縣東北六十五里解脫寺後以形勢似名相傳石佛甚靈會加各族熟番及黃河南生番拜禱者絡繹不絕

藥水泉 在縣南一百七十里古鄯慈利寺西自山崖石孔流出潺湲不竭沸騰有聲其味辛苦飲之愈胃疾每歲六月六日遠近居民多趨飲之原有藥王廟遭亂焚

毀今重建焉

娘娘池 在古鄯西十里黃草山腰池長三十餘里丈濶

四丈餘深不可測遇旱遠如狄河之民亦來祈禱舊有三霄殿遭亂被焚

大殷泉 在古鄯下李家山腰形如殿庭其水淋淋天欲雨常出雲霧高過山巔遇旱禱之輒應

九池嶺 在古鄯南土人呼為尖嶺上多松杉野花秀麗可愛下有泉九眼故名

瞿曇池 在瞿曇寺永樂殿內相傳西域喇嘛由海心山率徒至斯池飲馬遺其鞭番僧三刺建剎焉

鳳凰泉 在縣東北六十里張家寺

大通縣

八寶山 在縣東北五十里與雪山相連物產甚饒松山  
有數千載者西北入青海生番地水東流入甘州界

永壽山 在縣南里許又名龍山為縣城前屏

照壁山 在縣城南

西峯山 在永安城西南有泉號西河台

大墩山 在縣城東南上建文峯塔

東山 在縣東南二里上建奎星閣

西山 在縣西里許萬峯環抱為縣城後屏

毛牛山 在縣東三十五里元朔山之旁支也以形似名

以上補前志所闕

巴燕戎格廳

拉札山 在城東五十里

卡錯山 在城南二十里係赴甘都堡小徑由拉札山至

甘都六十里由卡錯至甘都四十里

帽兒山 在城西北三十里

瑪燕山 在城西北三十里有二池一名娘娘池一名龍

王池

樓子山 在城北端在腦三十里

青砂山 在城東北三十五里

骨兒朶山 在城東三十五里

朶洞山 在城東八十里

奔坑山 在城東一百二十里山有石如棋盤然

朶加山 在城南十里邑人呼為東山

阿米吉利山 在城西北七十里產銀砂並綠色石其實

如玉畧軟

除麻山 在城東四十里下臨河灘產金砂

朶吾山 在城西南二十里

曲加山 在城西南八十里

泉集山

在城西南一百二十里林木叢雜

拉水峽

在城東南二十五里產紅銅

合兒犀硤

在城東南十里

多隆峽

在城南五里

阿灣峽

在城西南二十里

甘都川

在城東南六十里

水地川

在城西南七十里

官巴灘川

在城北十里

四塘川

在城西北四十里

札巴川

在城西北六十里

曲加灘川 在城西南八十里

羣加川 在城西北百四十里

新隸循化廳 (與循化相自紫來抄)

南屏山 在城南百餘步

料東山 在城南二百五十里大力藏寨山多大木

郭茂泉 在城南五十里純義涌

溫泉 在城西南一百八十里旦布山附近居民有疾或

就泉沐浴或飲其水輒愈

郭隆泉 在城南五十五里

恰布欠泉 在城南五十里

撒茂泉 在城南五十里

沙東隆哇泉 在城東七十里

甯巴涌亂泉 在城東七十里起台涌

夕廠溝亂泉 在城東九十里

托巴泉 在城西四里樹木茂密多棲鷺鷥水鴨有似鷗

而頸長者慣啄生魚為食俗名之為釣魚郎

藥水泉 在城南一百里控剛洞側

札木泉 在城東三十里張哈工札木莊

五山池 在城東南一百二十里打兒架山山頂六月積

冰遇旱禱之

新設丹營雨廳

北極山 在城東北里許七峰排峙狀如列星山間朝暮常有五色雲氣廟宇輝煌相為掩映

松蛾山 在城東南三里一峯突起上挺孤松五色金蛾飛舞松間望之栩栩欲仙令人起遐逸之思

南屏山 在城南四十里羣峰聳峙峭壁之中有經歲不消之積雪雨過月明自遠望之如玉屏焉

人峯山 在城西二十五里嶺有奇石岸然獨立如偉丈夫故名

瀑布山 在城西二十五里陽坡瀉山腰有泉懸流而下

勢如瀑布又綠樹蔭濃映帶上下風雨之際泉聲樹聲  
幽然可聽大可清俗慮而起道心故俗名神樹灣

隔板山 在城西二十五里疊嶂嵯峨高出雲表萬樹排  
列如隔如架故名

照壁山 在城西三十里奇石錯縱亂臨卧如獅山峯即  
壁立而突兀夕照生萬犬之萬禪故名

星泉山 在城西十餘里山麓有小泉無數夜間波光搖  
動狀如星列故名

塔藏山 在城南三十里山勢高峻頂有路扣線直達青海  
河拉山 在城南北五里高數千仞上有泉

達板山 在城西南五十里山峯峻峭登臨絕頂雲霧自

足下起俯瞰青海仰摩碧霄為一邑之巨觀焉

藥水泉

在城南三十里甘潔清涼嚴寒不冰

陽坡泉

在城正北三里水溫味甘飲之能治胃疾

陰坡泉

在城東南五里泉自丰山流出雖炎暑常凝為冰

生雲泉

在城北五里居民遇旱禱之

熱水泉

在城西百里飲之能治腿疾

神泉

在城西南三十餘步遇旱禱之

曹家泉

在城南十里

響河

在城東十五里入西石峽水聲如雷山鳴谷應夾

岼綠柳森森碧烟繚繞

白水河 在城南三十里山麓有小泉無數合流成河其  
色白流十餘里會藥水河

倒淌河 在城西南九十餘里察漢城腦日月山麓水自  
東倒流入於西海故名

藥水河 在城南三十里流不及里會東科河下流三十  
里至城南入達藏河

達藏河 在城南源出扎藏寺腦引溉民田其利甚溥

普哈河 在西城二百餘里自西北來流入青海

甘肅青史畧卷首之二

蔡少堂

編輯大意

記形勝 天山之形勢 (摘鈔)

新疆天山之南沙磧漫野即希爾哈戈壁所謂千里瀚

海也山其伏地千餘里至甘肅嘉峪關外沙州今敦煌縣境

之南突兀起頂東行名祁連山所謂南天山也再東行

至洞素達巴罕過脈東北行至巴爾圖達巴罕北分一

支至甘州屬之八寶山形如蓮花中有礦苗乃故西甯

涼州甘州肅州四郡之鎮山也又自洞素達巴罕東行

至野馬川之東景陽嶺

一作金華山嶺黑水崙原委

自南而北東分一

支結涼州屬諸山西分一支於察漢鄂博過脈向北分  
一支結甘州屬諸山其自景陽嶺北行插一支結中山  
又名大王山又葱嶺東南一支遼和閬東南行者復分  
為二南一支東南行為西藏諸蕃部之山南達雲南諸  
山也北一支東行直達青海之庫爾坤山已延喀喇達  
巴罕北為大積石山漢唐時  
江在此南則為三十九蕃族諸山  
直達打箭爐為四川境之諸山

素西海即青海在西寧縣西二百七十餘里闊駟所謂卑  
禾羌海周圍十餘里東西長亘而南北狹夏秋遠觀碧  
波拍岸勢欲傾瀉中央有山突起形如螺殼稍西又  
出一山若駝峰上有生畜畜牧以海水力弱無舟楫  
可渡望之如積雪然世所稱為海心山也至冬冰  
合似萬頃琉璃海心山生畜始至湟源縣以魚鹽易  
米粟魚色黃無鱗背有黑點鹽則海岸而產其  
形方其味最純吐谷渾嘗將波斯草馬放入海  
島因生驄駒能日行千里世傳青海驄者是也隋

煬帝至西平閬人言以良牝馬置海心山至來春  
收之馬皆有孕所生必多駿馬因置馬牧於此求龍  
種吁愚矣又青海駐牧蒙古見海中有物牛身豹首  
白質黑文毛雜赤綠躍浪騰波迅如驚鶴近岸見  
人即潛入水中不知為何獸也

對凡

奇異記黃妙  
小方壺第四帙九百三十二頁

積石山在甘肅河州城西北七十里禹貢導河積石此。

即

崑崙山尚書曰崑崙爾雅曰崑崙邱即黃河發源

處也周穆王會西王母於此世因相傳為仙境其山之大  
小高下則山海經及淮南子諸書所載各有不同未可遽

定其孰是

為

甘肅青史畧正編卷十三

(九頁)

慕少堂

元世祖

庚元至元十七年春三月遣使窮河源由貴德州入塞

黃河發源崑崙潛行地下至星宿海洩出星宿海在

阿水尼瑪勒占水遜山之南即青海境內之大積石

山也帝遣招討使窮河源至此錄約行丰月至河州

西之貴州德又四五日至積石州還報並圖其城

案貴德今屬西寧黃河經其城北約一里許是為入

中國之始元翰林侍讀學士潘昂霄記曰河至貴德

州地名必赤里始有州官隸河州又云世言河九折

彼地有二自乞馬兒及貴德州必赤里乞馬兒今在塞外

案黃河上流由于闐東流入於鹽澤其入澤之處即為今之塔里木河由是潛流地中後現於大積石其上流之水源在今青海南之星宿海禹貢導積石始由塞外流入內地俗儒不知黃河重源之說故傳說頗多謬誤元初又有朱思本者有黃河源流之研究見元史地理志篇末由是西域水系始大明於世

附錄潘昂霄河源記

藝文志已抄過

河源在吐蕃朵干思西部有泉百餘泓或潦水沮洳

渙散方可七八十里且泥弱不勝人跡近觀弗克傍  
立高山下視燦若星列星以故名大墩腦兒譯言  
星宿海也羣流奔流近五七里匯二巨澤名阿剌腦  
兒自西徂東連屬吞噬廣輪馬行一日程迤邐東驚  
成川號赤賓河二三日程水西南來名亦里出合赤  
賓三四日程水南來名忽蘭又水東南來名也里朮  
合流入赤賓其流寢大始名黃河然水清人可涉又  
一二日歧裂八九股名也孫幹論譯言九渡通廣六  
七里馬亦可渡又四日程水渾濁土人抱革囊乘  
馬過之民聚部落糾集木幹象舟傳毛革以濟僅容

兩人繼是西山岐東廣可一里二里或半里深莫測  
矣朵干思東北鄙有大雪山名亦耳麻不莫刺其山  
竄高譯言騰乞里塔即崑崙也山腹至頂皆雪冬積  
夏不消土人言遠年成冰六月見之自八九股水至  
崑崙行二十六日程河行崑崙南半日程既又四五  
日程至地名闊即及闊提二地相屬又三日地名哈  
刺別里赤兒四達之衝也多寇盜有官兵鎮師防崑  
崙崙崙迤西人簡少多安山南山皆不穹峻水亦散漫  
獸有聲牛野馬狼豹羶羊之類其東山益高地亦漸  
下岬峽隘有狐可以躍而越之要行五六日程有水

西南來名紉鄰哈刺譯言紉黃河也又兩日水程南  
來名乞兒馬出二水合流入河河北行轉西至崑崙  
北二日程地水過之北流少東又北流入河半月程  
至貴德州地名必赤里始有州治官府州隸河州置  
司吐蕃等處宣慰司所轄又四日程至積石州即  
積石云

摘鈔小方壺齋輿地叢鈔 第一帙

蓋地論

黃河出崑崙山東北角金剛山東則河源之崑崙虛亦  
曰金剛又大地之中亦曰崑崙即佛說之須弥在中國  
西北蓋天所謂天門在西北是也初學記引括地象曰

崑崙崑崙之山者也崑崙山為柱氣上通天崑崙者地之中也藝文類聚引

龍魚河圖云崑崙天中柱也曲禮正義引河圖括地象

云地中央曰崑崙其東南萬五千里曰神州博物志引

河圖云崑崙山應於天窰居中中國東南隅是西北崑

崙並非河源太平御覽河圖始開圖云崑崙之墟有五

城十二樓藝文類聚河圖文略同博物志引括地象云  
崑崙山神物之所生聖人仙人之所集也古經史天為  
蓋天地為蓋地史記大苑列傳云禹本紀言河出崑崙  
其高二千五百餘里日月所相避非隱為光明也其上  
有醴泉瑤池淮南子地形訓亦云西至三危之國鉅城  
金室飲氣之民不死之野佛亦言須弥為天宮佛所謂  
天富貴人也

摘鈔方輿紀要卷四第四頁

黃河源說

羅氏曰漢使張騫持節西域訪河源以為二水發蔥嶺趨于闐隄鹽澤伏流千里至積石再出唐薛元鼎使吐蕃訪河源得之閼磨黎山世之言河源率皆本此而莫知其非也至元命都實為招討使佩金符往來四越月而得其說如圖所載還具以聞出授其說於翰林學士潘昂霄撰為記而臨川朱思出於八里吉思家約帝思載藏梵字圖書釋之於潘昂霄所撰互有小

異俱載元史黃河本東流歷西番至蘭州北四千五百餘里始入中國又東北流過虜境九千二百餘里始入中國始轉河東又南至蒲州凡一千八百里有餘通計屈曲九千餘里而張騫所訪另在其西萬里外蓋為吐蕃遮隔不得假道故也未思本與圖所記山水道里必不差故特存之或言天下之山皆源於崑崙觀此固足與辨哉未能復詣而訪傳聞所失又奚啻此也對

廣輿記 卷二十四 二十五頁

西番

山川 崑崙山 山極高峻積雪至夏不消延亘五百餘里黃河經其南

黃河 其水從地湧出百餘泓方七八十里東北匯為大澤又東流為赤賓河合忽蘭諸河始名黃河又東北至陝西蘭州入中國又源出西域昆侖山

鯨水 出宿軍谷東流入黃河

湟水 在西甯州合浩亶河入黃河又蘭州一

名金城河

K294.4  
31

294.4  
34